

沈忠敏公龜谿集

10

世說新語卷之十

沈忠敏公
龜谿集

四部叢刊續編集部

上海涵芬樓借海鹽
張氏涉園藏明刊本
景印原書板高二十
二公分寬十六公分

忠敏公龜谿集敘

忠敏公者吳興武源之龜溪里人也舊有
龜谿集鐫行觀文殿李公詮次顛末詳哉
其言之矣頃時代遞遷簡帙淪失幾不獲
覩偶得善本披玩再三因之動繹思焉士
君子涉世泯々沁々毫無建豎如飛烟冷
風者何可指數惟貞介瓌偉之士稱焉按

家乘公夙拔英異酉歲汲瘞靡不寓目抒
為翰藻通勁嫺雅逞々豔人唇吻性鯁特
無脂韋態歷三院御史中執法鋤擊佞褻
風裁凜々方鑾輿南狩夷氛滿眼舉朝鰓
鰓下穹廡之拜矣公力排和議勸駕督征
事維中格而一腔忠赤皦然與日月爭光
謂為中興人物冠冕諒哉迄今五伯餘年

而誦其遺文想見其人亭々直上之氣時
露於楮穎間惜也龍劍躍於延津玄珠送
於赤水幸存殘稿不絕如帶夫英雄弔古
片言契合几席千秋雖其人與骨俱朽而
瑤華琬琰爭耀詞壇即曹筆可焚而中郎
之帳可秘矧於世系相承肝鬢相通如不
佞木者能無尸祝羹牆之意乎緣受之梓

而為撫攬一言要之公自足不朽云

萬曆庚子歲秋八月之吉十六代裔孫子
木汝南父書于金陵奉常之觀省堂



沈忠敏公龜谿集序

元樞忠敏沈公當建炎紹興間被遇

思陵爲耳目股肱其勲業在朝廷其聲名在天下其
風節挺挺特立號稱名臣蓋中興人物之冠冕吾鄉
間之光寵也紹興三年由吏部尚書奉祠歸里門伯
氏桐廬丞彥衡字元規自公在憲府實客館下與其
諸子游雅相好也時彥穎年十有五學於伯氏早暮
見公來館舍相對無雜語論文說詩亶亶不倦尤喜
論體製格律源流所自不務苟作每從厠竊聞之則

知所忻慕焉時方亂定才大夫士游居郡邑者以十數相與賡唱爲娛樂篇章流傳得輒誦記若其它文藁伯氏又能收拾藏于家得以時時覽觀顧方爲童子雕篆之習它未暇以學莫獲拜下風而請焉而公蓋嘗辱撫憐之曰是子可教也未幾詔起公鎮京口召還仍爲天官掌內制遂持鈞樞位貌殊絕無所窺尋其聲光已剴聞君薨于位矣年甫五十二家在故里房無壯子弟平生著述文字故多散落或爲親黨取去此得於所聞者如此而吾伯氏亦且下世諸子

都未省事凡得公手筆起艸與所抄錄在紙者皆亡
之雖往還尺牘無留者惜哉後六十年當紹熙辛亥
公之孫詵爲浙漕始能裒輯類次爲十二卷將以板
行於世蓋其家所存止是矣以序見屬念自少小知
敬重公今甲子一終旣篤老矣撫往念舊安能無槩
然也公英邁絕人早以翰墨知名歷三院御史中執
法排姦擊邪風采峻厲觀所作中丞謝表有曰本之
以忠厚愛物之誠加之以正直事君之道故嘗爲之
言曰此御史箴也或謂公在臺中論議少恕是何足

以識公之用心視草禁林得代言體親征詔書凡四方聽聞之者莫不感動流涕庶幾乎奉天之作此特私愛味之故云爾初衣冠南渡一時能言之士衆矣當其時儕流之所推稱學者之所宗仰如公者屈指幾人而後來或未之詳也傳世行遠其始自今公爲不亡矣公諱與求字必先其立朝出處之大節固載之史官獨始初親見之幸夙昔願學之私因得自見於此十一月旣望觀文殿學士宣奉大夫致仕吳興李彥穎序

叔椿少時聞

龜谿先生以文鳴當世及長從搢紳賢士遊又聞以直道結

主知以盛名諧人望由是歷霜臺冠常伯兼翰苑兩總天官進叅機務再秉事樞崇論鉉議鴻文大冊天下傳而誦之謂常楊燕許復出矣叔椿每得一篇笥而藏之如獲至寶每以不及全見斯文爲恨淳熙紀號之三禩

叅政姚公以

天子大臣來守泉越數月政清訟簡出

龜谿所爲文十二卷命叔椿爲之讎正玩味不能釋
手留月餘始克歸其書又俾爲之叙竊喜附名不朽
有榮耀焉乃不辭而承

公命嘗觀

皇朝晏元獻公被遇

仁宗而富文忠公繼登揆路冰清玉潤勲業宏茂載
在史冊後世歆豔

龜谿

公丈人行也其名德相望前後輝映又能集其文而
流布之益昭述作之懿顧不遑歟

先生諱與求字必先仕至知樞密院事紹興七年六
月薨于位若平生出處之大方則有給事劉公一止
狀其行事爲詳茲不復列四年三月一日從事郎克
州學教授永嘉張叔椿叙

沈忠敏公龜谿集目錄

第一卷

古詩

山西行

次韻劉殿院贈錢圃翁

遊玲瓏山因訪朱氏草堂

奉陪安守登撫原觀

觀網魚

子修步屨相過屬疾不能倒屣戲贈